

興國縣志卷之八

署知縣孔興浙輯

志人

官師

宋知縣二十四人

程珣字伯溫舊名溫字君玉河南人其高祖羽太宗朝為三司使仁宗錄舊臣之後授珣郊社齋郎不赴調以論薦改大理寺丞知虔州興國縣事邑之衣錦夙稱難治前令欲以威懾之多未馴珣善告諭勸化與他鄉一視遂信服焉在邑幾二年而獄空者歲餘江西狡民善

興國縣志

卷之八

官師

一

為古券契爭人田旁邑有訟積十餘歲不能決部使者以委珣根連証佐囂然盈庭珣獨呼爭者前訊之不十數語盡得其情事決於頃刻間人以為神移知龔州累遷大中大夫封永年縣伯珣慈恕而剛斷居官臨事孜孜不倦溫恭待下率以清慎所至寮屬無敢有貪縱者在虔時嘗假倅南安軍獄掾周惇頤年甚少不為守所知珣視其氣貌非常人與語果為學知道者因與為友使二子顥頤往受業焉度宗咸淳初興國宰錢益於學宮之左建大中祠堂暨明道伊川二先生並列像侍祠越數年何時復立安湖書院祀三程並周元公合祠

林志

徐師囿以殿丞任趙清獻有詩送之

柯述英宗治平元年任因士議徙學宮於北門外

鍾振南康人徽宗崇寧二年任

贛郡志

周世脩玉山人進士宣和中任平盜有功簽書建

康以能辦諸軍事臺諫交薦得應廷對力陳諸將之失

識者韙之

郡志一統志

韓輝紹興中任

留正字仲至福建永春人淳熙中由進士知縣事下車

首詢民瘼拊摩仁字然不事姑息謹法度愛名器境內

稱平後刺贛州恩威並著既為相請蠲贛上供米萬有

興國縣志

卷之八

官師

二

八千石守正不阿人不敢干以私進封魏國公諡忠宣

按志林據宋史以正係贛太守未嘗令興削之及攷

蔡黃二志明郡志俱云淳熙中由進士知興仍訂入

徐桐乾道中任

穆淮乾道中任七年辛卯脩大成殿

雷豐建昌盱江人事母至孝由科選歷仕湖湘淳熙中

知縣事謹慎清苦勤政務興學校士習丕變去後民懷

其德立祠祀之

黃志

聶周臣

淳熙中任

楊丕

淳熙中任

莊夏字子禮福建永春人淳熙辛丑進士初判興國簿慶元己未知縣事永豐民孫六毆妻妻自剄死夜舁屍興國田中宣言盜自興國掠殺夏往視六家土屋繩樞妻則蓬頭突頂乃詰之曰盜何利而劫掠及汝乎六語塞自是民不敢欺好獎拔士類加意庠序辛酉壬戌登第者各一人嘗節浮費新縣治役興於上斂不及下却添給錢九十萬餘爲下户代輸逋欠五十三萬餘盡以給公役值大旱詔求直言夏由興國上封事曰君者陽也臣者陰也今威福下移此陰勝也積陰之極陽氣散亂而不收其應爲火災爲旱蝗願陛下體陽剛之德使

興國縣志

卷之八

官師

三

後宮戚里內省黃門思不出位此抑陰助陽之術也召爲太學博士累官兵部侍郎煥章閣待制卒諡忠敏夏立朝敢言嘗言官不久任一人而歲三易節一歲而郡四易守民力何由裕又言屯田可成冗兵宜汰詳宋史本傳中興民懷其德繪像學宮祀之

張志

蔡世美紹熙中任重脩學宮請以錢贍學立養士之制

解僖吉水人慶元中任

李伯堅嘉定中任

黃公宦嘉定中任

李德寶慶中任建漏澤園於太和門外郡人趙東野爲

之記

前志作德立誤

趙不遘寶慶中任

趙時鄱陽人端平元年任復贍學錢脩學宮有主簿王旬記

李發字秀實吉水人歷黃陂零陵令改知興國稱職尋陞知州

錢益字良輔南海人咸淳元年任

何時字了翁樂安人與文丞相天祥同第進士歷知興國縣以才識操守著聲衣錦鄉僻遠梗化即其地建安湖書院錄生員二十八人講肄課式月有章程已又秩

興國縣志

卷之八

官師

四

其比伍家使有塾置進學日記躬督之於是教化大行風俗爲之一變從天祥勤王聚兵財運軍需達衢信間天祥奏除知撫州江西陷時家居天祥兵趨興國以時帶行卿監江西提刑聚兵復崇仁縣未幾元軍奄至兵敗伏溝竇中脫走變姓名號堅白道人賣卜嶺南數年乃歸病卒

李進字野翁崇仁人淳祐進士歷知興國

撫州府志採入

宋縣丞三人

張喬治平中任

潘次鳳平陽人紹興中任

黃大中福建長汀人

進士淳祐五年任

宋立簿四人

徐鋪慶元三年任

贛郡謝志

莊夏

見前知縣

蔡志學字及之新昌人登淳祐進士判興國簿清操不撓剖斷如流遷太和令歷知高郵州嘗題水府廟云平生事可對人說囊無一分關節錢寄語江神明着眼好分風力送歸船讀其詩可知其人已

王甸端平中任

宋縣尉五人

興國縣志

卷之八

官師

五

張喬卿治平中任與柯令述遷學北門外

陳皓字彥章石城人勇力絕倫宋靖康末羣盜蜂起虔守以皓攝石城尉建炎中秩滿移興國尉

吳山福建三山人慶元中任

朱夢龍嘉泰間任

項演端平中任

元達嚕噶齊

忽都必至治元年任值歲凶荒捐俸煮粥於大乘寺飼

飢者鄰封皆踵至全活甚多學士滕賔記之

蔡志

元縣尹四人

孫振祖至順中任

呂珪至元間任

陳文彬清江人尹興國順帝至正戊戌僞漢將幸文才贛叛將明志高等既陷贛遣兵窺興國文彬初蒞事率民固守凡再却之城以全癸卯乃繕墉堞爲保障計浚城之隍疏水環焉門有五舊無甕城至是始備其制置樓以便守望環城復爲列屋四百六十餘間累歲乃畢文廟講堂圯文彬重庀之建尊經閣以度羣書又創泮水池亭於櫺星之南爲廩屋若干楹斥學東之隙地置僦屋若干入僦錢以爲養士資於縣西一里三台山築

興國縣志

卷之八

官師

六

旌陽道院祀許仙與全真方邱生遊建長春道院居之三壇寺燬於兵倡率脩復興文講學拊循恬熙民不知爲喪亂之世泰和劉祭酒崧避兵於興文彬爲之地主也崧詩文強半爲文彬而作今採槎翁集得其政蹟立傳

唐子儀題名碑記載陳文彬永樂中任黃志則附於洪武末張志謂考槎翁寓興在辛丑壬寅癸卯三年乃至正二十一二三年也文彬作尹正在此時脩城記稱歲癸卯時序鑿鑿今仍載元縣尹

朱仲恭字克敬至正末任興國尹邑常賦七千屯田襍

賦不與焉自楊吳南唐割據章貢間歲倍取之民不堪命克敬上其事於府總制不時允則率吏民伏庭下泣訴當道憫其誠與之申達且俾緩徵未幾命下民額手相賀泰和陳謨作申免倍徵序以頌其德

張志

元主簿二人

張鼎孫大德中任

王禮字子禮廬陵人至正間任

元教諭四人

宋仕賢上猶人至正中任

鍾坦然至正初任

興國縣志

卷之八

官師

七

陳先德泰和人至順中任

陳貞文至順中任

明知縣七十八人

賈思復河南人洪武元年任

高達明字用可浙江金華人洪武初任廉謙公恕民不

見擾終於官至今懷思之

劉思忠湖廣人洪武初任

馮欽陝西同州人洪武初任

熊鑑洪武間任

范榮鳳陽人洪武十二年任

王觀廣東人洪武十五年任

毛賢蘓州人洪武十七年任

郭文質洪武十九年任

張宜山東人

王成鳳陽人洪武中任

顧義吳縣人由人材洪武中任

毛文蘓州人洪武二十五年任

池子中福建沙縣人監生洪武二十九年任

徐麒浙江人監生洪武三十年任

唐子儀名文鳳以字行直隸歙縣人洪武中辟教紫陽

興國縣志

卷之八

官師

八

書院以文學徵授知興國縣事教民力本務農嘗郊行躬勸勞之喜造士日有程課寒暑不輟擢趙王府紀善卒年八十六子儀祖元父仲實俱以文學稱至子儀名益震時號小三蘓經史百家無不精究善真草篆隸書爲詩豐縟閱深有梧岡集在興搜覽山川名靖多所題詠翰墨之留於舊乘者一人而已有鄒公寨懷古長歌一篇袁志所錄而簡編斷爛不可識張志

江浩寧國人由人材永樂間任

雷祖述湖廣藍山人宣德初任政洽於民九載代去遺愛存焉

伍善廣濟人由人材宣德中任明政刑均徭役興廢舉墜甚得民心

陳璉甫田人由監生正統初任清勤不懈多惠政長信里堰塘所脩築也以母喪去官民走訴上僚挽留之得請於朝服闋再任三載

蔡袁二志合輯

鮑安正統中任

黃郁揭陽人監生正統中任

贛郡謝志

郭毅壽州人監生天順中任有政聲

達泰浙江麗水人舉人成化中知縣事廉慎剛果上下允孚時流寇方桀肆於鄰適淫雨城圯民岌岌將及泰

興國縣志

卷之八

官師

九

并力脩葺不移時繕完寇不敢近以病卒於官士民祠焉

蔡志

聞人玉成化中任

章廷圭字文瑞南直隸石埭人貢士成化八年任以興學勸農爲首務邑素多強梁跋扈廷圭明禮嚴分以繩之歲辛丑寇躡鄰封將及境廷圭聚選丁壯馴以武畧寇不敢犯有甲乙相搆而甲病死者舁屍以誣乙瘞之於庭不久且爲厲乙家暴死者三人廷圭廉得誣狀治甲罪而大書下民作孽上帝好生八字揭於乙庭厲遂熄邑有牛牯陂澮高不能通水農病耕焉廷圭相度水

勢改上流二里許鑿石濬渠引水自蘓陂至竹壩延袤
二十里改名永利歲增穀數千石郡守姜璉旌其賢齋
以酒幣時適營燕寢成因名適綵堂自爲記遷衡州府
同知補贛郡復以殄寇著績 蔡袁二志合輯
胡傑廣西桂林人舉人弘治元年任
陳壽福建長汀人貢士弘治壬子任蒞政公勤士民詣
上留之凡七年

曾選字時舉直隸懷寧人弘治八年任重師儒勤考課
豪右畏其威良善懷其德祀名宦 蔡志

李進潁州人監生弘治中任

興國縣志

卷之八

官師

十

曾文煥侯官人舉人正德初年任

陳謐上元人舉人正德四年任

陳學浙江黃巖人正德五年任

李文浙江人舉人正德中任

葉璣福建莆田人舉人正德中任

羅滾正德中任

黃泗福建福清人正德中由鄉舉知縣事先是歲庚午
劇賊鍾仕錦何積玉騷動江廣間支黨掠興國七月燬
城火二日不滅泗來值焚蕩之餘日夜相恐寇且至乃
募壯丁守城沿城置警舖二十四以處之城舊五門因

備寇塞其一形家言不利遂復啟之建樓其上城壞輒脩繕使完文廟之兩廡圯諭諸生耆老飭材重構焉增設東西齋各爲號舍六間而按追田塘之侵入於豪右者以贍學毀諸淫祠斥其瓴甃莛楹諸材改建三程祠移安湖書院於學宮有妙明寺僧謝弭禮者以敗戒犯律所製僧房爲螺紋覆海五采粧畫淫巧非法則毀之以庀書院之材時王文成公守仁方撫虔判其牒而深嘉之唐文襄公龍視學江西亦亟獎其賢

張志

蘓雲廣東順德人貢士嘉靖二年任

沈釗錢塘人舉人嘉靖二年任

興國縣志

卷之八

官師

十一

虞仲恭義烏人舉人嘉靖八年任

茆觀寶應人貢士嘉靖十一年任尋改教授去

李菽太湖人監生嘉靖十三年任

朱德禎閩縣人進士刑部主事知興國陞本府同知

揭璲歸化人監生嘉靖十八年任

錢大經浙江餘姚人舉人嘉靖二十年任

陳朝慶長樂人舉人嘉靖二十三年任

盧宁字忠獻廣東南海人嘉靖甲辰進士初令崑山丁

未改知興國設匭於門務求已過察民隱縣有虛糧千

六百石民苦賫多逃竄宁毅然履畝清丈正經界而平

等則其他興革悉當人心當道有難鞫事必諮焉所條陳數章皆可爲後世法程勸課諸生俾貪士得就學業遷潼川州守尋擢南部員外士民思慕留其冠履肖像縣治右祠之仕終登州知府

蔡志

譚式金壇人選貢嘉靖三十年任

林恕松江華亭人舉人嘉靖三十二年任

羅崇謙番禺人進士嘉靖三十七年任

陳簡字右峰南海人舉人嘉靖四十年任

海瑞字汝賢號剛峰廣東瓊山人由己酉鄉舉仕南平學諭進淳安縣令考滿當陞仍從故秩調興國邑中歲

興國縣志

卷之八

官師

十二

賦僅登什之伍民苦浮糧乃上八議於吳虔撫百朋次第請行尤獨急清丈舊令盧宁著清丈事宜諸議瑞略徧其法而精思強力過之定弓步釐冊號審田形核糧數文明則填冊冊正則歸糧擇老人爲公正而嚴其賞罰務絕飛詭諸弊身自履畝巡勘寢食半在疆畝間逾年丈勘遂畢縣例僉糧戶之富者當柱頭公私用度皆取焉至是革除張魁張豹者南昌尚書鑿之族子也以市木凌轢山戶瑞執而按之鑿致書求解不聽則更托兵巡道反其獄瑞詣贛撫力爭之終伏法縣機兵額五百五十二贛撫調三百赴營團操又核減餉費裁百二

瑞以邑險而遠一旦寇警不可禦力請留之贛信豐二衛屯軍其田取給各縣永樂中興國撥屯九百九十九分每分田三十畝弘治以後爭訟漸滋邑故多荒土民所墾者軍即起而攘之瑞立議欲革軍止存佃田之人以軍田補民之賠累而輸納并於縣官事竟不行又上便宜五事謂軍門柴馬俸糧之外不宜以一毫徵派里甲院衙內班更換遞漏消耗請嚴加防範縣官親民非至不肖無不爲民者上僚每事湏責成之不可掣肘其言深切倖直百朋不以爲忤嘗言縣官雖知一縣待上接下各有正道若謂止可潔己不及潔人潔人生謗是

興國縣志

卷之八

官師

十三

以鄉愿自待以鄉愿待人欺莫甚焉課民於縣南植松以護水口號萬松壩歲餘以戶部主政內遷瑞之令淳安也旣給由通判嘉興矣先在縣時都御史鄢懋卿總制八省齟政行部攜妾將遊齊雲山所過皆窮極淫靡以事之而行牌矯稱節省不日且至瑞上揭帖曰傳聞與憲牌異未知所從竊聞前路供帳華麗溺器皆白金爲之得非官屬不達臺下之心而成虛設歟懋卿慙繞道去陰嗾其私人袁某伺之無所得乃以不准考竟論瑞聽調赴銓少宰朱衡始嘗督學閩中延瑞爲正學書院脩書欽其節而與之解直指之爭者也公謁時甚寒

猶服絲且敝衡曰即貧不能具一官服耶乃易黃石絹
衡言於嚴冢宰訥相與咨嗟良久其任興未久而輒擢
由兩宰爲之力云瑞在曹以直言天下第一事忤肅帝
下獄論當死莊帝立乃釋之直聲動天下累擢右僉都
御史巡撫應天尋請罷顯帝時起南京吏部右侍郎改
右都御史卒官年七十四賜諡忠介嶺北副使龔道立
檄建專祠於興國春秋祀之著有全集及治興遺文皆
刻於邑中今不可考

備忘集行狀合撰
贛郡志蔡志

列傳

唐希臯一齋湖廣德安府孝感縣人歲貢嘉靖四十四
年任

興國縣志

卷之八

官師

十四

馮文煬廣東雷州人歲貢隆慶元年任

盧晉鳳陽潁州人舉人隆慶二年任整肅明斷作興學
校

林大德漢川人歲貢萬歷元年任

劉忠南海人舉人萬歷三年任

翁和卿福建建陽人舉人萬歷四年任

盛代鳳陽府太和人歲貢萬歷六年任

易道源萃川廣東南海人舉人萬歷九年任清慎簡易

丈田均稅民食其德

張佩廣東順德人舉人萬歷十四年任

李雲龍字憲峰浙江上虞人舉人萬歷十五年任獎植士類周恤民隱

黃元初字真我四川成都人舉人萬歷十九年任
李興棟湖廣桂陽人選貢萬歷二十三年任

何應彪字闇然浙江慈谿人由鄉舉司教天台士服其化有馴鶴之異萬歷中知縣事作興士類恤孤存獨燭偽造印信之奸豪右懾服從形家言修西山塔建文昌閣以培風氣安湖書院既移建北關至是久圯應彪立名賢祠以續肸鬻焉遷滄州守去士民作鴻飛書院祠之

合黃志張志

興國縣志

卷之八

官師

十五

王芮字君生浙江慈谿人萬歷中以鄉舉任仁心爲質催科不煩而民樂輸將文移悉親自裁決一秉公慎人不敢干以私居官五載始終廉謹勿替遷通州守去士民合祀於鴻飛書院

合黃志張志

汪巨瀚廣東惠來人舉人萬歷三十七年任

吳宗周字熙偉號嶼梅福建南安人萬歷間由鄉舉知縣事激濊二水自城北合流過縣南不半里小滙於龍王潭水勢澶漫舊爲浮梁以濟歲久圯壞議易以石輒以費不支而止宗周至慨然捐俸經始士民爭出貲助之釃水道爲六結石址者七修數百武廣四軌計費數

千緡鳩工於萬歷癸丑之冬至乙卯秋規樞備焉吉水
鄒給諫元標為之記宗周以是冬入覲遷秩蔡鍾有繼
至歲丁巳復翼以亭欄楯完具雄麗稱於嶺北先是童
謠曰若要龍橋興湏待福安人宗周籍南安鍾有同安
皆符其兆宗周在位徵輸有法買田數十畝以資軍黃
二冊解費設白沙渡民不病涉徙官後縣中為長春臺
志去思焉

合黃志張志

蔡鍾有字恆卿福建同安人萬歷末由鄉舉知縣事嫺
諳吏職能得物情邑中僑戶多桀黠喜訟不得逞則更
托他籍或一人而三四籍者徧控於其地關提淆亂熒

興國縣志

卷之八

官師

十六

惑耳目視必不勝之處則堅匿不赴既受拘復截奪於
路以為常鍾有請於上僚痛釐治之永樂中屯田至成
化間漸蕪府檄召民墾荒給帖為業已墾者軍復爭之
前令何應彪盛陳刁軍害民虔撫李汝華深然之未久
復爭郡守金汝嘉頗芘軍鍾有條陳原委言多切中汝
嘉不能奪緝譟縣志為類十有三為卷七手自編纂焚
膏矻矻迄今徵文考獻不至墜地者斯編之力也

合黃

志張志

楊整綱字翕儒雲南江川人舉人天啟甲子年任
劉清四川渠縣人歲貢天啟丙寅年任

陳治安字元晏浙江會稽人崇禎辛未由舉人知縣事
端方廉潔遇水旱祈禱齋宿於城隍祠無不立應壬申
三月流寇逼縣治安禱得吉夢慰百姓無恐賊果不敢
犯巡方臨贛不赴考察巡方怒曰爾以廉慢上乎黜之
怡然而去其剛直恬淡類如此 黃志

李天敘廣西人舉人崇禎八年任

唐德陞南直人舉人崇禎十年任

秦元穗廣西人舉人崇禎十一年任

鄭士奇浙江人歲貢崇禎十三年任

台汝礪字砥石雲南人進士崇禎十五年任行取戶部

興國縣志

卷之八

官師

十七

主事

林演培福建莆田人舉人崇禎十七年任國變懷印去

自是邑中無令者二年

明縣丞五十人

白棟應天人

姚觀浙江湖州人

沈均浙江杭州人

陳榮福建人

上四丞俱洪武初任

孫彥仁洪武十一年任

薛以長浙江嘉興人洪武十四年任

姜德崐山人洪武二十七年任

王善北平人洪武二十八年任

劉誠忠湖廣人洪武中任

魏白廣東揭陽人洪武中任

丁昂定海人洪武中任

袁惟善景泰中任
王英衡陽人正統中任

劉思誠無考
張相廣東人天順中任

梁政成化中任
岑成成化中任

李音福建莆田人正德中任

林崇福清人正德九年任

雷仁湖廣藍山人吏員正德十三年任

翁朝概莆田人監生嘉靖四年任

興國縣志

卷之八

官師

十八

李春陽廣西富川人監生嘉靖十三年任

王眷晉江人吏員嘉靖中任

梁進順德人吏員嘉靖中任

張源江陵人監生嘉靖中任

黎璉電白人監生嘉靖二十三年任

姜瑤四川人吏員嘉靖二十七年任

尹蕙應天人恩生嘉靖二十九年任

江浚黔陽人監生
羅時通餘姚人吏員

沈星浙江平湖人監生嘉靖末年任

吳熠政和人歲貢隆慶間任

方時雍江都人監生隆慶間任

林處楠莆田人吏員萬歷四年任

何橡分水人吏員萬歷六年任

金鰲休寧人吏員萬歷八年任

步希劉賡德州人監生萬歷十一年任

劉嘉生攸縣人監生萬歷十四年任

韓大成東莞人吏員萬歷十六年任

姚宗舜旌德人監生

陶時鳳陽人歲貢萬歷二十二年任

陳冕歲貢
傅節浙江桐廬人

興國縣志

卷之八

官師

十九

薛雲綬福建福清人監生萬歷二十七年任條陳屯軍
奪墾之害上允立石嚴禁

陳九德浙江縉雲人監生

吳國柱浙江人監生

陳鴻濟福建福清人萬歷三十九年任

陳學文江南穎上人監生萬歷四十三年任

俞舜臣浙江富陽人監生萬歷四十七年任

李明經海寧人
贛郡謝志

明主簿六十二人

高廷銘浙江金華人洪武初任

王繼先山東濟南人洪武初任

陸呂北平人洪武五年任

張子春洪武六年任

張浩江南泰安人洪武七年任

劉源山西人洪武十八年任

譚貢 無考

薛袞山東人

高用可浙江金華人

方伯仁台州人

曹任浙江人

俞德勤浙江人宣德年間任

沈行 無考

張英浙江山陰人成化間任

陳哲 無考

鍾鳴乳源人成化間任

興國縣志

卷之八 官師

二十

高泰明浙江金華人成化間任

向明弘治間任

何經浙江慈谿人正德五年任

巫賢浮梁人

夏時真定人

李全慈谿人正德中任

于旺山東武定人正德間爲金壇典史遷興國主簿文

成公才之檄監兩關鹽權官民稱便值宸濠之變從征

有功進階一級

王琛湖廣宜章人正德中任

汪景歛縣人嘉靖四年任

馬健太倉人嘉靖五年任

周禋 無考

李森湖廣人監生嘉靖間任

黃宗載四川大竹人監生嘉靖十三年任

凌道浙江定海人吏員

袁橘寧國人監生嘉靖二十年任

霍棠滕縣人監生嘉靖二十四年任

桃如源莆田人嘉靖二十六年任捐葺學宮

邢獻瓊州人監生嘉靖二十七年任

張子寶屯留人嘉靖三十年任改建學宮練兵知略

武綬淑浦人嘉靖三十三年任

興國縣志

卷之八

官師

二十一

余相潛山人吏員

歐陽儒保康人歲貢

周級山陰人吏員

丁任武進人監生

傅文簿鄞縣人

趙德喬山陰人吏員

賀敖舜攸縣人

洪伯明海陽人隆慶年間任

王道正淮安人監生

黃瑚湖廣人吏員

何應龍梧州人選貢萬歷間任

范仲顯會稽人歲貢萬歷八年任

吳世勳壽昌人歲貢萬歷十年任

陳洪謨莆田人吏員萬歷十五年任

錢吾義嘉善人監生萬歷二十一年任

周應朝金華人監生萬歷二十五年任

袁潤黃州東安人萬歷二十六年任

韓文登浙江上虞人吏員萬歷二十八年任

章時吉上虞人吏員萬歷三十三年任

李三道山東安邱人吏員萬歷三十七年任

丁一槐浙江義烏人監生萬歷三十九年任

吳長策四川瀘州人監生萬歷四十二年任

李鳳瀘州人萬歷四十六年任

閔尚卿貴池人萬歷四十八年任

譚端道浙江人崇禎七年任

興國縣志

卷之八

官師

二十二

邵師狄浙江人崇禎十年任

明典史四十人

胡德中洪武元年任 吳元道南昌人洪武初任

董銛山西人洪武五年任

邵一初袁州人洪武十年任

鄭德湖廣人洪武二十年任

陳恢浙江人洪武二十七年任

金道同歙縣人洪武二十八年任

金文襄金華人洪武間任

張貴 無考

張彥通 無考

鄭志 無考

李俊浙江黃岩人

郭讓 無考

李昌俊 無考

潘諶吳江人正德五年任

歐澄廣東南海人正德中任

范朝清舒城人正德十六年任

吳鉞仁和人嘉靖五年任

沈重慈谿人嘉靖十一年任

林陞鄞縣人
鄭宣莆田人

周孔瑞道州人嘉靖三十年任

高世祥南海人嘉靖中任

興國縣志

卷之八

官師

廿三

暨沛崇安人嘉靖中任

周冕莆田人隆慶間任

丁樞蕪湖人萬歷元年任

王良臣 無考

胡賢 無考

張恩丹徒人

趙緯上虞人萬歷十一年任

龐金鳳陽人

周繼華建陽人萬歷間任

趙翀高要人

徐行荊門州人萬歷三十五年任

謝寬高明人

鄧人龍廣東人

王朝聘建平人萬歷三十九年任

蔡宏福建人萬歷四十二年任

潘汝綉浙江新城人萬歷四十六年任

聞三省浙江人崇禎七年任

明教諭四十三人

趙炫洪武元年任

贛郡謝志

黃良浙江人

李榮湖廣善化人

郭器潮州人洪武間任

鄭永義宣德七年任

廖以善泰和人

因官居桐江原志無考據泰和志增八

林鈍字叔魯福建閩縣人正統間由鄉舉任有學行晨

聚諸生於講堂相與闡明正學或至夜分乃罷邑士禮

經有傳自鈍始疾卒門人悲慕祠之

蔡志

興國縣志

卷之八

官師

廿四

黃哲端安人景泰四年任

黃華福建人景泰間任

陳元祿福建人鄉舉成化中任

袁天麒東筦舉人成化末署興教諭與邑人鍾觀編輯

縣志山川名蹟人物典故皆以實書無文飾臆譔為書

五卷康熙乙丑得之於山陽礫民歐陽氏前三卷亾矣

止第四五卷斷爛不可篇次墓測而繕寫之得碑記十

四篇可存者十篇及宦蹟之未經考見者五人皆蔡志

所闕也鍾有稱志昉於章廷圭袁與章同時或者即其

書歟惜簡首遺軼不可得而核矣書中屢稱宋志多撫

時追昔之感溯流尋源則邑乘固權輿於宋世而鍾有不知也天麒嘗與脩會昌縣志名列簡端知其載筆三長久垂冊府亟為傳以表之張志

陳允諧莆田舉人弘治中任嚴毅方正講明性學遷龍泉知縣歷劍水知州

鍾華字美中順德人貢士正德七年任分校應天遷光澤知縣

胡瑀浙江麗水人正德十二年任

張俊福建同安人正德中任

陳瑀字伯王宣化人貢士嘉靖二年任脩補祭器恢復

興國縣志

卷之八

官師

廿五

學地遷永春令轉長沙通判終雲南五井提舉

陳公達福建長樂人嘉靖六年任

吳中立福寧州人嘉靖八年任

龔鐸字中峯福清人舉人嘉靖十四年任分校河南遷

峽江知縣

潘鶉浙江新城人貢士嘉靖二十年任

徐昇金華人監生嘉靖二十四年任

程宗洛婺源人舉人嘉靖二十九年任

黎世光東莞人

洪應聘廣東揭陽人舉人

黃恩興寧人

陳鏜福建古田人隆慶間任

梁肇脩廣東順德人舉人隆慶六年任

徐大佑浙江黃巖人舉人萬歷元年任

卓成鸞湖廣慈利人萬歷二年任陞龍安府授

雷澤福建建陽人萬歷六年任

汪敬修婺源人舉人萬歷八年任壬午主考廣西

譚安廣□縣人萬歷十三年任

韓希愈湖廣靖州人歲貢萬歷十四年任

熊夢徵南昌靖安人萬歷十六年任

蔡景榕福建寧德人萬歷二十年任

曾士亮字開士廬陵人舉人萬歷二十三年任端士習

興國縣志

卷之八

官師

廿六

振文風闡明心性之學一以王胡為宗諸生中有貧不能就學者輒捐俸給之

蔡體仁瑞州新昌人舉人萬歷二十七年任

甘繼芳南昌靖安人萬歷三十年任

孔之學貴州清平衛舉人萬歷三十三年任

姚旻吉安永豐人萬歷三十四年任

龔漢臣湖廣平溪衛舉人萬歷三十六年任

王鉉字玉節吉水人舉人萬歷三十八年任學有本原

遷河南新安令

黃灝字疑之瑞州上高人舉人萬歷四十三年任操守

粹白學問淵宏

程應地玉山人泰昌中任

明訓導五十六人

施俊廣東海康人洪武初任

翟康東莞人
胡璘南直東流人

周廉四川蓬州人洪武中任

方瀾山陽人正統二年任

岑璧廣東人
邵昭廣東曲江人

鄧象廣東雷州人正統中任

丁傑縣丞昂子昂沒於仕無留貲喪不得舉因僑居焉

興國縣志
卷之八 官師 廿七

正統十三年用儒士薦為邑訓導奉府檄署龍南縣學
事率諸生講學於堂流寇猝至佯厲聲技刀以威之傑
端坐不動曰士可殺不可辱吾方以聖賢之所教教人

豈肯為汝屈耶賊怒遂兵之泰和曾宗為之傳 蔡志

劉曜分水人正統四年任

戴輔浦江人正統七年任

陳鶚字九霄浙江上虞人舉人正統末官訓導邃於經

理嚴考課善啟迪諸生服教 袁志

陸璣常州人景泰六年任

李愉廣東傳羅人正德中任

王寅賓廣西桂林人

沈輝桐鄉人

諸寵浙江秀水人

羅僖廣東惠州人

林時懋長樂人嘉靖八年任

顏鏞永春人陞高安教諭

黃物備晉江人嘉靖十四年任

錢鑑秀水人

謝縉惠安人嘉靖二十一年任

顧鼎江陰人

鄧軫廣東順德人

項憲章衡陽人嘉靖二十七年任

林江龍溪人

劉宗周仁化人

興國縣志

卷之八

官師

廿八

范琨大田人

戴虞臣崇明人

王煥江浦人

焦應奎河南襄城人

吳油然福建漳浦人嘉靖末年任以裁革冗員改調去

龔邦卿福建寧德人隆慶間任

雷文韜藍山人隆慶間任

江鰲雲南江川人萬歷二年任舊志興國原設二訓嘉

靖間裁一萬歷二年仍復江即其時也

游道明福建武平人

方應禎南直歙縣舉人萬歷五年任陞遂寧知縣

黃學曾廣東東莞人萬歷八年任真實作人遷陽江諭

郝溱長汀人萬歷九年任

李緘貴州興隆衛人

施治廣西賓州人萬歷十四年任

劉紹仁英德人萬歷十五年任遷靈山諭

華文第浙江富陽人萬歷十九年任

吳孟津南安上猶人 胡瓚撫州宜黃人

伍貫新化人 米允登江夏人

鍾嘉謀南安大庾人陞吉安府授

田一豸南昌武寧人萬歷三十四年任

蕭賡字衷陽廬陵人萬歷三十八年任捐俸新立四配

興國縣志

卷之八

官師

廿九

木主葺啟聖祠及兩廡墻垣

王三接雲南鄧川州人萬歷三十九年任

何其良雲南姚州人萬歷四十二年任署縣三月民安

其政遷北勝州學正

吳國泰豐城人萬歷四十二年任遷江華縣諭

徐孔思字學甫湖廣杜陽州人歲貢萬歷四十七年任

李時萃字聚甫湖廣長陽人歲貢萬歷四十七年任

明巡檢三十三人

夏詔青陽人隆慶二年任

王仁福清人隆慶五年任

王文光餘姚人萬歷二年任

朱華臨桂人萬歷五年任

黃游莆田人萬歷七年任

高擢南平人萬歷八年任

林雲桃源人萬歷十一年任

胡廷佐麻城人萬歷十四年任

王瑞福清人萬歷十八年任

趙凌當塗人萬歷二十一年任

許弼莆田人萬歷二十五年任

葉皆春閩縣人萬歷二十七年任

興國縣志

卷之八

官師

三十

鄭鉞莆田人萬歷三十年任

呂鳳起侯官人萬歷三十六年任

杭模江都人萬歷二十八年任

劉發源遂安人萬歷四十一年任

徐自上嘉善人萬歷四十四年任

楊望前河南考城人萬曆四十七年任

右以上衣錦司

陳應龍福清人隆慶五年任

柴應聘鄞縣人

廖汝良清流人萬歷五年任

張玉成廣東人萬歷八年任

李太華清神人萬歷十年任

馬承芳建德人萬歷十二年任

張文英南平人萬歷十五年任

黎民昱寧化人萬歷十八年任

汪汝祥浙江蘭谿人萬歷二十三年任

魏成甫山東人萬歷二十六年任

桂存貴池人萬歷二十九年任

翁日耀武安人萬歷三十二年任

許炳甌寧人萬歷三十五年任

施仕衡仙遊人萬歷三十九年任

興國縣志

卷之八

官師

卅一

石從憲上虞人萬歷四十二年任

右以上迴龍司

國朝知縣

柴震龍山東人順治三年丙戌由貢生知縣事時群賊蜂屯各寨如縣政令止行於城中戊子二月十八日王大勇宋朝宗統衆攻城城破縛震龍擄其妻陸氏以歸至君子嶺欲殺震龍曰死何恤予待罪於興經三載不能守民社罪應死其釋予縛以謝君恩賊聽允望北四拜拜畢首已落地矣雍正 年奉查死節諸臣入名

宦
新撰

李若垠字電之直隸宛平人初為南贛巡撫軍門守備順治己丑巡撫劉武元檄使署縣事遣副將鮑虎率兵二千俱行時興國曠年無令諸寨煙兵盤踞號為義師城之腹背遠近無非賊巢若垠至則與虎擊逆賊宋朝宗於金斗山朝宗退至瀧下水迫窘請降擒之沉於水虎旋携所部歸贛若垠依保甲法設練總計煙戶多寡募鄉勇親訓練之衆皆奮勇効命叛寇王大勇擁衆謀奪城戰於北關大教場伏兵夾擊大破之擒馘數百人諸寨胆落逃匿若垠技擊嫻熟雅好文翰問民疾苦興革皆合時宜後署任雩都罷歸興民懷其德以長令事

興國縣志

卷之八

官師

卅二

之稱賢父母焉

張志

趙夢仁字卜生河南新鄉人順治辛卯以進士任邑中兵燹之後弦誦不聞夢仁立意振興文教諸生匿不赴試召之庭飲以酒論文藝津津由是士知嚮學田畝荒蕪募民墾闢瘡痍漸有起色不二載以憂去民至今思之

張志

王廷儒字擢吾遼東人貢生順治九年十月任十年九月卒於官

黃之麟江南宿松人貢生順治十一年六月任十五年五月巡撫許劾去

沈正春浙江仁和人恩貢由開封府營河主簿陞順治十六年正月任十七年四月劾去

向大捷字鹿阜湖廣石門籍四川澧州人貢生順治十七年八月任康熙元年五月以漕項罣悞去

何詢之字依山湖廣漢陽人辛卯舉人由江夏教諭陞康熙元年八月任五年九月以鹽漕兩悞去

王璋字豐年浙江人以掾吏起家康熙丙午由寧波府經歷遷授精強有幹才縣舍自戊子燬於兵璋始構材飭廳事政治多所興釐己丑朝議安插閩海降兵蔡璋以屯墾來邑中璋條請贛守孔興訓按籍授田析置諸

興國縣志

卷之八

官師

卅三

鄉俾不得聚處合勢卒伍有宄法者按律繩之皆斂戢不敢動以鹽政罣悞去壬癸間屯弁朱明等應耿變煽起爲寇驛騷者數年故老皆言使王侯母去職或有以弭其機牙也

張志

軒冕字長春河南鹿邑人辛卯舉人康熙十年十月任十一年四月卒於官

何士竒號魯齋直隸宣府人癸卯舉人康熙十二年二月任十五年正月以鹽政罣悞去

黃惟桂字木菴直隸真定人以選貢領京兆薦授興國令康熙丙辰春至江西上事滇逆吳三桂將韓大任寇

據吉安道梗不能達巡撫佟國禎留之軍前督餉歲餘始間道從廬陵泰和間履任時邑中罹寇已四載矣先是海孽鄭經之餘部來歸屯墾於興甲寅閩變應亂者凡十三寨里巷不逞之民螳聚蜂屯共二十八寨而大任部曲邱興祐據泰和之浪川寨去興國均村不二十里寇鈔皆在西鄙惟桂招懷攜貳謹扞擻豫儲待不逞寢食其冬大任戰敗殘寇竄入寧都萬安瑞金間皆假道興境賊去則官兵之躡賊者至前後數四惟桂率民兵登陴戒嚴幸不至城下而芻茭牲醴犒賚送近豫備得其懽心其先留軍中時與滿人統軍復相習故官兵

興國縣志

卷之八

官師

卅四

往來皆約勒無譁於是悍民之蟠踞諸寨者相次解散乃上勦撫先後機宜於將軍巡撫皆得請遂先撫寶石寨賊首黃捷先聽命次撫浪川寨寨屬泰和頗能軍興國諸賊側目視之值大任初敗興祐心動可撼也又次撫鯉公鯉婆二寨寨主兵者張治妻楊氏治死朱明欲并所部楊氏不聽惟桂乘隙單騎入其軍諭降之獨厓石寨朱明最狡惡負固屢約降而鈔劫如故乃陳狀於宣義將軍尚之義重兵困之四閱月始投兵自縛下山凡撫賊三萬餘人之義國禎以疏聞陞賞有差而主其策者惟桂也方諸寨就撫梁山寨楊元真緣隙謀窺城

惟桂偵知之預請兵搗其穴元真走追戮於泰和之虎
爪坪而三關寨以受韓逆故之義欲屠之惟桂力解得
免自丁巳三月上事至己未九月三載皆在兵間值山
水暴漲齧城繼以旱灾發倉賑飢祈霖禳疫備嘗艱瘁
寇沴漸平乃議興學校北郭文廟自鼎革初燬於兵瓦
礫者四十五年士民皆踴躍襄助經歲落成激濊二水
合流域東故道去城半里許南行三里至春口壩稍紆
而東有巨石延袤數丈水滙於此曰橫石潭始西赴歷
程水埠以達於龍沙海忠介公瑞課民於春口壩種松
號萬松壩啟禎間里民燬壩壅水規其利為藹田數十

興國縣志

卷之八

官師

卅五

頃惟桂毅然脩復濬其壅而填其毀民頑弗即工則芟
舍其上躬自督程讞決催科皆赴是焉經月而水道復
故甲子春陞貴州永寧知州今邑中凡興釐事蹟皆曰

黃公云

張志

曹秉楨字峙乃奉天人康熙二十四年七月任二十九
年三月以憂去

金應隆字公望奉天人康熙二十九年十一月任三十
三年卒於官

何震字潛起奉天人康熙二十三年十月任四十二年
六月以憂去

郭維莞三韓人康熙四十二年八月署任四十三年正月卸事

張尚瑗字弘蘧號損持吳江人康熙戊辰進士歲甲申由庶常出知興國方謁選邑人王宗伯為其座主首以明倫堂為托下車即倡諸紳士建立是年大饑勸民出粟施粥於治平觀以濟飢者活數千人每退食即檢閱書史哦誦之聲達於外庭凡四方知名之士皆羅而致於室政暇則相與訪求名勝攀巖陟險搜冥窮奧如靈運尋山必造峻嶺又如柳子厚鉅錡西山必為發其幽光每有所得興會淋漓或歌或記或另闢靈竒方輿百

興國縣志

卷之八

官師

卅六

里內名山勝水盡賀其遭敦邱重甌皆其所題鐫也平生剛性不撓其尊人以海忠介勸之臨行書學海二字以授到任即於何令所構之堂命額焉以外遷常鬱鬱不得志因輯前乘倣寧化李世熊體勒成一編命曰志林多借邑之山水以寫其沉抱宗伯王眉長先生讀之曰此張侯一家言也時文風委靡士子家祇趨時藝瑗至乃以詩古課士親為講貫故至今興之言古學者猶稱張太史云康熙五十四年以憂去

新譚

陳三元字十洲山東濟寧人康熙丙申中由桃源簿蒞興國剛決明敏胆量過人民間多鼠竊捕獲如法不少宥

四境以肅興隸虔本中學國初兵燹改小學後寇平人多嚮道應童子試者千餘人而額於數三元力申當事請復中學增弟子員興人士至今德之己亥卒於官新譚董起裕三韓人康熙五十八年十一月署任五十九年六月卸事

沈維烈字武孫浙江衢州府江山人由拔貢教習原授山西高平令康熙五十九年六月補任興國雍正五年二月巡撫劾去

金履寬字敬敷號容齋貴州平越府湄潭人雍正甲辰進士丁未知興國愛民如子決獄平允邑境肅清更加

興國縣志

卷之八

官師

卅七

意作人立義學勤考課詳撥公項田租二十四石并公地稅銀為山長脩脯後調會昌士民攀援流涕如失慈

父母焉

新譚

白成李陝西綏德州人壬午舉人雍正七年六月任八年九月卸事改教

吳璋湖南黃州府黃梅人例監雍正八年九月署任九年二月卸事

梁聯德字恆峰廣東高州府茂名縣人雍正丁未進士辛亥一月任乾隆二年閏九月調宜黃

徐大坤字望南楚北大冶人以選貢出試定南德化所

至有治聲乾隆二年調興國四年十二月赴京引見五年六月復任負才氣判決立就俯察輿情興利除弊兼採形家言倡遷文廟設湫江書院尊經閣魁星閣皆同時所創立也前賢有耑祠祠有記蒞任三年境內肅清士氣蒸蒸有起色當事以其才敏調吉水後陞瑞州同知新譔

傅誠浙江杭州府仁和縣人進士乾隆四年十二月署任五年六月卸事

于存棻字鏡梅江南鎮江府金壇人康熙甲午舉人乾隆五年十月任七年三月巡撫劾去

興國縣志

卷之八

官師

卅八

王鏞順天府霸州人貢生乾隆七年四月署任十月卸事

靳樹藻字贊濤鑲黃旗人甲辰舉人乾隆七年十月任九年五月告病去

劉方溥字鑑堂山西洪洞縣人例貢乾隆九年五月署任七月卸事

馬淇瑞山西人監生乾隆九年七月署任十年正月卸事

汪執桓字銳升甘肅鞏昌府隴西人丁未進士乾隆十年正月任十二年十二月調廬陵後陞刑部主政

梁廷椿江南江寧府江寧縣人貢生乾隆十二年十二月署任十三年三月卸事

靳樹藻乾隆十三年三月復任十四年八月降調卸事
左脩品字遜五湖南衡州府衡陽縣人監生乾隆十四年八月署任十一月卸事

楊任仁字容谷浙江杭州府錢塘人已未進士乾隆十四年十一月任十五年三月丁母艱去

孔興浙字晴江浙江杭州府錢塘人戊午副榜乾隆十五年三月署任十六年正月調任

郭蔚字豹文號南霧雲南建水州人庚子副榜乾隆十

興國縣志

卷之八

官師

卅九

六年正月任

國朝典史

武尚仁順治丙戌任戊子二月與柴令震龍同被難

新採

盧一治直隸人順治十一年任

顧禮順天人順治十四年任

錢志泗浙江山陰人康熙十一年由吏員受興國尉平易近人而有任事應變之能十三年督鄉勇隨大兵進勦厓石因調給糧糗途遇逆賊兵少不敵身罹賊刃士民聞之莫不相對涕泣當道上其事恩蔭一子經歷

黃志

劉應思大興人康熙十四年任

陳振祖浙江上虞人康熙二十年任

何新順天人康熙四十一年任

金祐浙江山陰人康熙五十四年任

王煦浙江蕭山人雍正七年任

周世圻江山人雍正九年任

李鳳朝山西長治人雍正十二年任

翟凌霄陝西狄道人乾隆六年任

王鼎浙江會稽人乾隆七年六月任

國朝教諭

劉嘉猷金谿人舉人順治十年任陞侯官知縣

興國縣志

卷之八

官師

四十

楊旭齡字又張豐城人貢士康熙十九年任文行足式課士有程陞建昌府教授

陳達新城人

王文煥字其有南昌人

魯朝聘新城人

裘吉光字羽若南昌新建人由歲貢康熙四十六年官教諭講求古學工書法勤季課士多服其教釀金飲助倡修學宮雍正二年秩滿致仕邑人王宗伯譔記鏤石以志去思云

林必俊字英萬南安府南康人舉人雍正三年任卒於官

張凝字桂軒建昌南城人副榜雍正十年任改授福建
泉州教習正音

柯友桐字邵菴九江彭澤人拔貢乾隆元年任以老致
仕雅量淵涵嗜古博學好藏先代遺書

王大任字志伊南城人恩貢十□年任著韞匱軒稿

國朝訓導

徐名緯寧州人歲貢 蔡應元南康人歲貢

唐金棟豐城人歲貢 盛式度金谿人歲貢

楊鐸新淦人歲貢 周兆垣新城人

諸兆麟鉛山人歲貢卒於官

興國縣志

卷之八

官師

四一

劉萬禎南豐人例貢康熙五十六年任

郭以英南昌人歲貢雍正四年二月任卒於官

黃廸字惠臨廣昌人歲貢雍正十一年任卒於官

劉曰棟字伯倫號介亭撫州崇仁人歲貢乾隆四年五
月任十四年二月以老致仕

謝天翼字鵬飛號欠菴清江人歲貢乾隆十四年九月
任

國朝巡檢

陳忠浙江人順治八年任

胡懋道浙江人

鄭之後直隸真定人康熙十三年任

姜允泰浙江金華人康熙十八年任

羅達龍廣東順德人康熙二十二年任

張仕竒山東人康熙三十一年任

喻宰詔江南旌德人康熙三十八年任

李展略山西襄陵人康熙五十二年任

李之華浙江錢塘人康熙五十四年任

邱秉彝浙江會稽人雍正三年任

楊希聖浙江山陰人乾隆十四年由廻龍司調任

右以上衣錦司

興國縣志

卷之八

官師

四二

郭世傑 無考

仇啟泰陝西人

鄒楷浙江山陰人康熙元年任

孫士明江南句容人康熙十七年任

俞志遠永平府昌黎人康熙五十五年任

王天柱雍正十三年任

王日景池州青陽人雍正十三年任

張肇祖順天大興人乾隆三年任

楊希聖浙江山陰人乾隆七年任十四年調衣錦司

趙良相陝西韓城人乾隆十五年任

右以上廻龍司

親民之吏莫如廉幹周官立縣正漢治重循良所以示風勵也興自有宋啟邑若程大中之開教化海忠介之勵廉隅莊永春之造士黃木菴之平寇固堪俎豆不朽他如功在民社有善可紀亦不敢遺焉上下將八百餘年其間驥展鸞棲星移物換既多循績之著令其芳躅寢湮召棠之愛安在爰是續絲成錦取其行事合大體者登之傳俾後之官斯土者按譜得聲攬鑑知貌有所取則云

興國縣志卷之八

興國縣志

卷之八

官師

四三